


第二六八號

募建大勇阿闍黎靈骨塔啟

胡瑞霖教署

大勇阿闍黎遺像



南天真乘藏日異響會流歸一
惟仰願廣高野回駟康藏重訪
扶律高風千載同賞瞻禮
道貌心焉向往

十九年七月

大勇阿闍黎遺像 朱慶瀾敬題

募建大勇阿闍黎靈骨塔捐啟

北京圖書館藏

大勇阿闍黎於己巳年八月初十日在甘肅
大剛法尊法師等來函報告人天道熄緇素銜悲佛法前途影響匪淺茲將阿闍黎生平事迹撮敘大略阿闍黎俗姓李四川巴縣人畢業某校適值辛亥之役奔走革命卓著勳猷嗣掌軍法執法不阿有不能竟行其志者憬悟世法無常遂投太虛大師出家旋受具戒於金山寺習內典於五台山復往東瀛研求密宗力開風氣既得阿闍黎學位應吳越楚蜀各地佛教會之請傳法灌頂徒衆數千民國十三年入舊京設藏文學院於慈因寺翌年夏率弟子三十人入藏再求密宗備歷艱險始達甘孜因未得達賴

喇嘛同意難以前進先後駐川邊打箭鑪及甘孜札迦寺
依札迦喇嘛爲師勇猛精進不惜生命譯著宏富已寄歸
數種正待次第刊布而積勞日甚學不厭教不倦外與檀
越周旋內則經紀日用卒之心力交瘁爲法亡身曷勝痛
悼其弟子等現仍遵奉遺囑繼續留學十年他日於佛法
稍有裨益則木本水源是皆阿闍黎之功也茲擬於打箭
鑪卜地修建塔院奉安靈骨暨舍利子百餘粒藉崇盛德
以報師恩庶弘法之紀念賴以昭垂衆學人之悲思得以
稍慰矜式來茲彌勤精進西藏佛教師爲最尊矩範之嚴
重於事佛蓋因佛法廣大賴師而傳佛未親植師則躬承
故生前恭敬承事逝世則建塔供養况勇師不避艱阻入

藏求法顯追玄奘之風密鞏金剛之派繼往開來普利人
天爰糾同人公同勸募伏願慨施淨財爲衆擎之先導建
立寶塔賴同志以莊嚴至於曾受皈依之弟子及曾受灌
頂印明一尊供養十八道諸法之四衆尤具殊勝因緣自
應盡力擔荷能多多則善緣無量即少少亦福不唐捐謹
啓

如荷檀施請於十九年十二月三十一日以前逕郵滙
川邊打箭鑪跑馬山留藏同學會大剛法師彙收
北平由朱子橋先生負責收欸交西長安街惠通禮物
莊經收掣取收條爲憑

姓

名

捐款數目

通

訊

處

| | | | | | | | |
|--|--|--|--|--|--|--|--|
| | | | | | | | |
| | | | | | | | |
| | | | | | | | |

2
404077

77